

宋詩鈔補

一
玉
八
冊
玉

浮溪集補鈔

汪藻字彥章。德興人。崇寧中第進士。高宗朝累除中書舍人兼直學士院。擢給事中。遷兵部侍郎兼侍講。拜翰林學士。出知外郡。奪職居永州卒。有浮溪集。

春日

一春略無十日晴。處處浮雲將雨行。野田春水碧于鏡。人影渡傍鷗不驚。桃花嫣然出籬笑。似開未開最有情。茅茨烟暝客衣溼。破夢午雞啼一聲。

題張資政汝川圖

澹巖書堂

昔人曾此結精廬。故老猶傳井臼餘。今代子房來卜築。要看圯上一編書。

多寶院

每尋疎磬訪支郎。苔竹交陰杖屨旁。絲履氎巾聊取用。風流不減贊公房。

金石臺

花光連接兩臺春。中有眠雲趺石人。莫使鞭笞鸞鳳去。時來重現宰官身。

懷賢菴

履綦行處日蒼苔。顰悅深藏月一開。已辦此身同法喜。不應臨感更難裁。

題江南春曉圖

忽從林杪見朝暉。釋嶠孤雲半欲飛。何惜扁舟并畫我。要從海際望春歸。

題大年小景

忽驚坐上江天渺。半幅鵝溪寫霜曉。風低黃蘆潮欲到。平沙無人喧宿鳥。向來著眼應萬里。開卷尺餘那盡了。須知王孫寄筆力。平日氣吞雲夢小。故將點綴調兒輩。不待淋漓翻墨沼。滕王蛺蝶往誰並。曹霸驊騮今已少。坐令好事費百金。窗几短屏橫軸繞。君家此本傳幾世。羈客見之先絕倒。江頭歷歷舊行處。好在漁磯落寒潦。浮家汎宅歸去來。還看飛鴻臥林杪。

題止戈堂

此老胸中百萬兵。暫勞試手沸狼羣。山頭不復望廷尉。柱後何須用惠文。解帶爲城聊戲劇。賣刀買犢便耕耘。三山勝處開華屋。千載人傳舊史名。

千里閩山驛騎飛。天書趣解海邊圍。異軍方逐蒼頭起。元帥徐

將白羽揮翻就。饒歌春舉酒。收還烽火夜。開扉向來萬事關。兵氣都作風光坐上歸。

士人買妾既而疾以詩戲之

但知瓊樹門清新。不道三彭接有神。處仲未聞開閣事。維摩空對問禪人。封侯燕頤何妨瘦。伐性蛾眉卻怕顰。從此空花掃除盡。定須嚼蠟向橫陳。

賦琴高魚

百川萃南州。水族何磊砢。其間琴高魚。初未到楚些。豈堪陪薨鮮。裁用當看果。土人私自珍。千里事封裹。遂令四方傳。噉嚼亦云頗。俗云琴高生。控鯉宛溪左。靈蹤散如煙。遺鬣尙餘顙。向來騎鯨人。逸駕嘗慕我。不應當時遊。反用此么麼。得無效齊諧。怪者記之過。彭越小如錢。蹤跡由漢禍。越王載王餘。變化更微瑣。

因知天地間。人莫窮物夥。區區于其中。臆決蓋不可。僞真吾何知。且用慰頤朶。

郊丘書事

琅輿深出未央門。十里園壇氣象尊。珪璧三千周典備。貔貅百萬漢兵屯。青城浮靄連霜動。黃道微風帶日溫。不用靈光符聖武。從來精禋答乾坤。

隆祐太后挽詞

慶源由魏國。奉祀及宣仁。盛德儀中壺。私恩絕外親。長秋期不老。厚夜忽無晨。來歲柔桑綠。誰臨繭館春。朔漠遐征後。南州倣擾時。人心憂社稷。天意屬簾帷。擁佑千齡主。圖回萬世基。中興能事畢。倏與帝鄉期。

宿焦山方丈

明發理烟艇。歡言濟遙岑。盤渦沸風雨。稍辨鐘磬音。行行並疎柳。迎客多幽禽。扶輿上犖确。始見江湖深。臺殿明海色。嵌空憶龍吟。脩郎延客步。妙香慰人心。遐眺未云極。千巖忽秋陰。孤月欲生嶺。諸天悉浮金。茲遊信奇絕。况接支道林。夜語不知旦。虛窗對橫參。人閒驚毫末。物外雄窺臨。稽首悟真理。微生安所任。蒼崖有奇字。霜乾約重尋。

句

人間何事非戲劇。鶴有乘軒蛙給廩。

香溪集補鈔

范浚字茂明。蘭溪人。紹興間舉賢良方正。以秦檜當國。不起。學者稱曰香溪先生。有集。

讀長門賦

阿嬌負恃顏姝好。那知漢帝恩難保。一朝秋水落芙蕖。幾歲長門閉春草。自憐長世等前魚。舊寵全移衛子夫。獨夜不眠香草枕。東廂斜月上金鋪。曉驚永巷車音近。失喜疑君枉瑤軫。臨風望幸立多時。卻是輕雷聲隱隱。年年織女會牽牛。百子池邊侍宴遊。自從一入離宮後。無復穿鍼更上樓。

遣興

商山園綺徒。雪髮映松露。山間謂終老。不踏市朝路。一朝前星匿。羽翼起調護。婆娑古衣冠。笑定國儲副。留侯計偶爾。曷遽動

香齋集補金
眞素因知今昔士出處自冥數寧容巧馳驅失爾邯鄲步

登富陽觀山亭

弭棹依寒渚。臨亭俯碧川。嘶雲征海雁。椎鼓過風船。水闊天低樹。山空日暝煙。擬題江似練。終媿謝公賢。

避盜泊舟武康遠光亭下與同行分和杜工部詩傷秋及

宿江邊閣

帶郭人煙少。通村徑路微。水光浮棟宇。野色動窗扉。小樹無重數。前山不合圍。艱危隣虎窟。奔迫詭牛衣。白舫竟何適。丹楓看卽稀。西園小茆屋。知復幾時歸。

次韻端臣姪喜雨

初弦落微月。草宇夜岑寂。迎涼拂桃笙。曲肱聊偃息。檐口忽飛雨。散亂銀竹白。避漏起移床。青燈暈空壁。曉看蛙入戶。時有燕

爲石是節正驕陽。敲口火雲赤。煩蒸等坐甑。百體勞按抑。良苗
憂槁暴。空有庭樹碧。借免抱龜腸。猶應困蔬色。炎埃今一洗。萬
井沐甘澤。望歲卽交歡。寧容須暇隙。相逢如得酒。酌飲莫餘瀝。

偶作

晏食聊當肉。緩步聊當車。身閒貴莫比。心足富有餘。時飲一杯
酒。歷觀千載書。正爾良獨難。亦復將何須。

次韻茂永兄首夏新晴

燕落雨知節。鳩鳴天欲晴。行雲飛斷碧。斜日漏微明。笋出竹三
徑。苗肥田一成。野人知得飽。索酒坐班荆。

初冬郊行

空闊野雲疎。行行思鬱紆。露花啼晚菊。風葉舞高梧。日落牛羊
下。天寒雁鷺呼。却回南岸路。暝色徧蓬廬。

雨後出郊

晴景收林靄。春郊賸物華。麴塵官道柳。粉豔野牆花。竹裏草亭古。沙邊苔徑斜。遣心知有處。發興渺無涯。

其二

扶輿穿密竹。度約過前溪。霽色煙橫野。春聲水繞畦。映山行白鷺。遷木韻黃鸝。客裏貪幽事。歸時日已西。

遊南山晚歸

樂事愜幽討。閒情便舊遊。梳風脩竹晚。掛日老楓秋。一飽桑門飫。百忘塵世憂。蕭條茆屋下。可以縱冥搜。

其二

荒荒日已暮。廻首興何長。穠樾紛乾燧。森疎嘯折篁。水枯山石露。風晚野花香。歸臥前簷下。詩成小雨涼。

春飲分章字韻

傳盃行美釀。擊鉢課名章。月借全窗白。花分小樹香。人情歡口盡。道術醉相忘。雞黍襟期厚。渠論漢范張。

送徐彥思倅建安

君不聞詩人一席眠。口翳夜泊建溪微。月中猶能卽境慰岑寂。隔簾朗詠看瞳矐。今君笑擁篲篁去。早有繁花明驛路。脩程百越渺風煙。發興自應多麗句。知君蹕越是名流。朱紱聊煩佐上州。貳政少安山水國。尋登要路紆皇猷。西風略略搖征旆。過往題詩援離袂。武夷鶴膝杖扶羸。寄我他時訪松桂。

對酒分和杜詩

桃花朱朱李花白。高柳花邊出多碧。雨中物色更芳鮮。未礙劉郎中一石。醺酣裁詩角險麗。坐客豪宕成勍敵。但令得醉復長

吟山雲從爾生虛壁。

四月十六日同弟姪効李長吉體分韻得首字

黃梅雨歇春歸後。搏黍哺雛鳩喚婦。紅殘小頰蹊上花。翠刷濃眉陌頭柳。籜痕半晚煙篁瘦。露裊幽香逗書牖。雲容漠漠曉陰愁。麥信風前一搔首。

題茂安兄藏春園

春入名園何處尋。東風引步上嶠嶽。平凝四面雲嵐合。曲折一丘花木深。碧草華滋迷絕徑。綠蘿陰影護芳林。韶光向此知歸處。長與先生供醉吟。

西園

路入西園綠綠苔。閒來倚口口徘徊。霜林有樹葉皆落。風榭無人花自開。口口日酸千百顆。候梅口薄兩三栽。幽人自是便幽

勝把酒孤吟只費才。

四睡次茂載兄韻

門外啼鴉暗柳濃。華堂翠幕度香風。流鶯不識夢魂遠。自向窗
前訴落紅。

水亭珍簾臥瑠璃。日暮涼生小雨催。誰刺蓮船過前渚。榜歌聲
落枕邊來。

小窗臥冷聽吟蛩。半擁輕衾乍怯風。清夢不成空有恨。蕭騷疎
雨打梧桐。

暮春病起

病起春深白晝閒。瓦松花老掩柴關。坐調心息無浮念。沈水煙
銷古博山。

湯古尉山

邱孫春翁白雲山

尊春錄

兩傳昇

小窗烟合

然如生

春

春

門

回

細排西歷句只覺

屏山集補鈔

劉子翬字彥冲號病翁。崇安人。幹季子。以蔭補承務郎。除通判興化軍。尋以宿疾辭歸。與胡憲劉勉之講學。學者稱爲屏山先生。有集。

開善寺

寒聲蕭蕭霜葉秋。石路礚礚穿林幽。雲橫遠岫若平斷。風約小溪如倒流。偶經名藍亦終日。喜有勝士同茲游。移牀果茗咄嗟辦。杖履欲歸仍更留。

悠然堂

吾廬猶未完。作意創此堂。悠然見南山。高風邈相望。賓至聊共娛。無賓自徜徉。

遊龍潭

四客同笑言。一僧陪杖屨。徜徉山水窟。適意忘晨暮。疎鐘巖北寺。細竹溪南路。中流石參錯。不礙潺湲瀉。澄泓小龍潭。潤氣金碧聚。時驚木葉墜。俯見鯨鱗度。斯遊非預期。偶爾造佳處。幼輿丘壑情。陶令琴觴趣。淹留慰所願。惟以賓友故。夕陽淡寒山。遲回不能去。

春寒偶書

浮雲匿晨暉。雨雹驚春晝。天公號令乖。陰晴變何驟。小徑踐芳泥。通渠走寒溜。風顛萬木偃。氣凜孤闌透。鵷鸞護巢翔。奈此羣雛幼。擁爐烏薪燃。雙手慵出袖。褰幃望空明。屋角見遙岫。良朋不可招。塊處慚孤陋。青青桃葉長。奕奕蘭花香。長吟曷咨嗟。佳辰去難又。

入白水訪劉致中昆仲